

چند پارچه شیعرئو جه سیامه‌ند هوۆرامی

- 1 - واده بوۆ ل 1
- 2 - سوۆنی ل 2
- 3 - مانگه شهو ل 2
- 4 - ئازیزم دوریت ل 3
- 5 - ساقی ل 4
- 6 - به‌ره‌زای زلفان ل 5
- 7 - نوۆروز ل 6

*****1

واده بوۆ

ئازیز واده بوۆ ، نه سهر واده بهو
سهر په‌نجهی تاسهم نه زلفت وهر دهو
مهو تا شه‌م نه‌م ، دیده‌ی شهو بیدار
دهو نه روی یاس سینهی پر جه خار
گهرد خهم گئرون نه روی په‌ره‌ی گوۆ
شاخه‌ی دهرد مارون ، دهو نه ریشه‌ی چل
مهو تا نه رای تاف توۆره‌ی بوۆ ریحان
خاش خهم لا دهو باوانه‌که‌ی گیان
واده بوۆ ئازیز ، نه سهر واده بهو
سهر په‌نجهی تاسهم نه زلفت وهر دهو

*****2

سۆنى

سۆنى به سىرمەى سەھەند ئاوات
مەرەژۆ دىدەى پىر ناز ھەرات
ھانە ژەرەژا چەم نە چەم دارۆن
شەمال بۆى يەخەى خال وەشان مارۆن
پلورلى ھامرا تاسەى دلەى ريش
ساز سەما كۆك لول مەدۆ نە وييش
ئازيز تەدارەك بازنەى چەم جەمەن
ھەر مۆرخەوانەى لەنجەى تۆش كەمەن
ھا گەرماكەى پويچ سەر دا نەكەمى
وادەشەن بزىيەى باخچەو پروسەمى
گۆزەر باوەرە ئۆۆ مەرەو خوۆركەى
گۆناى دل ھەلان بى مەيلى تاكەى

*****3

مانگە شەو

مانگە شەو مەلول دەنگ پاي سەحەر
بار و بنەى شەو ئەلۆەداى سەفەر
نەمام نە وركەى شۆلەى دەم بەيان
وهرم و وادەى لەيل چەتر و سايەبان
حوۆت تافەى قەلۆەز خەيال دان بە دل
نەواى سەحەرى مەوانۆ بە كۆل
بۆى شەوبۆ نە راي ئەو سىنەو گەردەن
پەنا وە پەناى شەمال ئاوەردەن
مىيچ ھەسرەتمەند ھەناسە سەردان
پالم دان وە پال كۆى بەرز دەردان
سا مەر ھەر خەيال ياووم بە فەرياد
رام دۆ نە خاوش يادم كەرۆ ياد

ئازيزم دوريت

ئازيزم دوريت ھەر ھا نہ پھيجۆ
ھەر ھا نہ خھيال زام و زھدھى نۆ
ھەر ساتھ دھردیئ مارۆ مھرمانۆ
ھەر دھمھ تيریئ نہ دل مھشانۆ
ئیسھ ھا ھھمپرای رھنج پۆزگار
ریشھى گيان گرتھن مھکیشۆن بھ قار
ئازيزم دوريت جھ شور بھر کھردھن
مھحالھن تاوو بى تۆ بھر بھردھن
سا ویت ياونھوھ شیرين رازھکھم
ئاوارھى دورى جاي نيازھکھم
مازھ جھى فيشتھر ئازاي جھسھى ریش
ھەر دھردیئ پھليیش بکیشۆ پھى ویش

ساقى

ساقى گيان ئامان دەرون برمانە
بەردەبارىت بۆپەر كەر پەيمانە
تۆف ياد دۆس ھەم ھا نە دەمان
ئەرخەوان سورەن سىروان چەمان
تەمەلوشەن كۆى سەرھال دل
پاي بەرزان بەسەن ئەو خەيال دل
مەوج دەرد پېكان پردىبەر شەوق
گۆزەرگا بەندەن رو بە يانەى زەوق
نەى گىچ سەنگىن تۆفان دورى
مەر ھەر مەيل تۆم بدۆ سەبورى
با بەيۆن جاميى ئەرخەوانى وام
وەر چانەى زۆخاو ھۆرپىچۆ نە جام

بهره‌زای زلفان

سهر نه تۆی پهرچین خه‌مان بهر که‌رون
 هامرا هیژ گیان ته‌وانای ده‌رون
 مه‌و نه سهر راگه‌ت چه‌مه‌رات مانون
 سیا چه‌مانه‌ی ئامانت وانون
 خه‌یلین هه‌رد شه‌وق دلّ وه زام ئیشان
 کزه‌ی زمه‌هریر بالّ وه سهر کیّشان
 پای زه‌وق نه‌مام ژه‌نگ خه‌م وه‌رده‌ن
 گوّنا‌ی که‌یف گوّل سوّی زقم به‌رده‌ن
 سا با بیّی شیوه‌ی شانای ته‌نگه‌زت
 تیجیار زلفان تاف قه‌لوه‌زت
 با چنور گیروّن نه‌وای وه‌هاران
 ماروّ رچه‌ی سه‌خت به‌رزه دیاران
 پوّل پوّل گوّرالان به‌یان جه‌لاوه
 به‌زم شادی و شه‌وق بنیاد بنیاوه
 لاله‌ خه‌م وه‌ر دوّ گیروّ پیاله
 جام دوّ نه‌ جام سوره‌ هه‌رالّه
 به‌ره‌زا زلفان باروّ نه‌ سه‌ردا
 شه‌مالّ شنه‌ش بیّی وه‌ روی که‌مه‌ردا

نۆۋرۆز

نە سەر بەندەنان زىد رچان پۆش
سەدای رچە مار چنور مېئى نە گۆش
سەير سەيرانگەى بەرز سەر شاھۆ
كەفتەن نە خەيال بۆزانە و شەوبۆ
چرۆ نە سەر چل پەرچەم هۆر كەردەن
سپای زمهەرىر گىرۆدەى دەردەن
دو تەپلە ژەرەژ جە لا بناران
مەژەنۆ نەواى بەزم وىاران
دە سا با ئىمەىچ بشم بە راوہ
ئاورىئى هۆر كەرمى بەو ئاتەشگاوه
نۆۋرۆز وەش كەردەن هەواى پىرۆزى
ئۆۋ تۆ پىرۆز بوۋ وادەى نۆۋرۆزى
